



ԵՐԵՎԱՆԻ ՔԱՂԱՔԱՊԵՏ ՈՐՈՇՈՒՄ

ՀՀ, 0015, ք. Երևան, Արգիշտիի 1

№ 3604-Ա

« 02 » սեպտեմբերի 2025թ.

ԵՐԵՎԱՆԻ ՔԱՂԱՔԱՊԵՏԱՐԱՆԻ ԱՇԽԱՏԱԿԱԶՄԻ ՆԵՐՔԻՆ ԱՌԻԴԻՏԻ ԲԱԺՆԻ 2025
ԹՎԱԿԱՆԻ ԸՆՏՐԱՆՔԱՅԻՆ ՉԱՓՈՐՈՇԻՉՆԵՐԻ ՔԱՆԱԿՆ ՈՒ ԿԱԶՄԸ ՀԱՍՏԱՏԵԼՈՒ
ԵՎ ՈՒՂՂԻՉ ԳՈՐԾԱԿԻՑՆԵՐՈՎ ԸՆՏՐԱՆՔԱՅԻՆ ՉԱՓՈՐՈՇԻՉՆԵՐԻ ԱՐԺԵՔՆԵՐԸ
ՍԱՀՄԱՆԵԼՈՒ ՄԱՍԻՆ

Ղեկավարվելով ՀՀ ֆինանսների նախարարի 17.02.2012թ. թիվ 143-Ն հրամանով
հաստատված հավելվածի 101-րդ կետով և հիմք ընդունելով Երևանի քաղաքապետի
09.12.2020թ. N 3756-Ա որոշմամբ հաստատված «Երևանի քաղաքապետարանի ներքին
աուդիտի կանոնակարգի» 36-րդ կետը.

1. Հաստատել Երևանի քաղաքապետարանի աշխատակազմի ներքին աուդիտի բաժնի
2025 թվականի ընտրանքային չափորոշիչների քանակն ու կազմը և սահմանել ուղղիչ
գործակիցներով ընտրանքային չափորոշիչների արժեքները՝ համաձայն հավելվածի:

2. Սույն որոշման կատարման կազմակերպումն ու պատասխանատվությունը դնել
Երևանի քաղաքապետարանի աշխատակազմի ներքին աուդիտի բաժնի պետի վրա:

3. Որոշման կատարման հսկողությունն իրականացնում է Երևանի քաղաքապետը:

CSign

ՏԻԳՐԱՆ ԱՎԻՆՅԱՆ

ՌԻՍԿԵՐԻ ՎԵՐԼՈՒԾՈՒԹՅԱՆ ՆՊԱՏԱԿՈՎ ԿԻՐԱՌՎՈՂ ՉԱՓՈՐՈՇԻՉՆԵՐԻ ՔԱՆԱԿՆ ՈՒ ԿԱԶՄԸ

N	Չափորոշի տեսակը	Չափորոշիչը
1.	Նշանակալիությունը	Ներքին աուդիտի ստորաբաժանումը սահմանում է գործակից՝ ելնելով տվյալ միավորի աշխատանքների՝ կազմակերպության ռազմավարական ծրագրով նախատեսված նշանակությունից (դերից):
2.	Ստացված ֆինանսավորման չափը	Ներքին աուդիտի ստորաբաժանումը սահմանում է գործակից՝ ելնելով տվյալ կազմակերպության նախահաշվում միավորի ֆինանսավորման չափից:
3.	Հայտնաբերված թերացումները	1) Կրկնվող թերությունների հայտնաբերում, 2) կազմակերպության ղեկավարի կողմից նախորդ աուդիտի ընթացքում կատարած առաջարկությունների անտեսում, 3) ռիսկի անտեղի մակարդակի ստանձնում միավորի ղեկավարի կողմից:
4.	Ստացված արձագանքը	Ներքին աուդիտի ստորաբաժանումը սահմանում է գործակից՝ ելնելով կազմակերպությունում տվյալ միավորի գործառույթների վերաբերյալ ստացված բողոքների, ահազանգների և երրորդ անձանցից ստացված տեղեկությունների քանակից և բնույթից: Յուրաքանչյուր բողոքի համար ավելացնելով՝ 0.1 գործակից, իսկ խրախուսանքի համար՝ պակասացնելով 0.1 գործակցով:
5.	Այլ մարմինների կողմից իրականացված ստուգումների արդյունքները	Ներքին աուդիտի ստորաբաժանումը սահմանում է գործակից՝ ելնելով այլ մարմինների ստուգման արդյունքների բնույթից (դրական, բացասական):
6.	Նախորդ տարվա ընտրանքի արդյունքները	Ներքին աուդիտի ստորաբաժանումը սահմանում է գործակից՝ ելնելով միավորի ընտրանքում ընդգրկվելու հանգամանքից:

Ծանոթություն. Կախված տվյալ միավորի կողմից տրված ռիսկի գնահատականներից՝ ռիսկերի վերլուծության նպատակով կիրառել չափորոշիչների գործակիցների 0.5-ից 1.5

միջակայք, բացառությամբ նախորդ տարվա ընտրանքի արդյունքների հիման վրա կիրառվող
չափորոշիչին տրված ուղղիչ գործակցի հաստատուն 1.5 արժեքի:

ԵՐԵՎԱՆԻ ՔԱՂԱՔԱՊԵՏ

A handwritten signature in blue ink, appearing to read 'A. B. B.', is written over a horizontal line. To the right of the signature is a small red 'Sign' logo.

ՏԻԳՐԱՆ ԱՎԻՆՅԱՆ